

## Ilinniarfinni (GUX) ilinniagaqartut ulluanni maleruagassat nalinginnaasut

### 1. Aallaqqasiut

AQQUT-miit ilinniartitaaneq pillugu paasitsiniaalluni angalanermut atatillugu ilinniagaqartut ulluanni maleruagassat aaqqisuussisunut tamanut saqqummiukkusuppai.

Maleruagassat aaqqisuussisunut nutaanut misilittagaqrnerusunullu eqqaamasassanut nalunaarsuiffittut atorneqarnissaat siunertaavoq. Maleruagassani piumasaqaatit minnerpaat peqataasunit takuniaasuniillu ujartorneqarsimasut aalajangersaavigineqarput.

### 2. Siunertaq

Ilinniagaqartut ulluat tassaavoq ikaarsarnissamut aqutissiuussinerup ingerlanneqarnissaanut ilinniarfinni aaqqutissiuussisunut inatsit atuuttoq naapertorlugu pisussaaffiliisumut ilaasoq.

Ilinniagaqartut ulluat GUX-imi Aasianni, Sisimiuni, Nuummi Qaqortumilu ingerlanneqassaaq. Sisimiuni Qaqortumilu KTI NI-lu suleqatigineqassapput.

Ullormi tamatumani ilinniartut nunatsinni Danmarkimilu ilinniagaqarnissamut periarfissanik namminersortut pisortallu suliffiutaanni sunngorsinnaanissamut periarfissat saqqummiussiviginissaat siunertaavoq.

Danmarkimi Kalaallit Illuini ilinniagaq pillugu siunnersortit Danmarkimi ilinniagaqarnissamut periarfissanik piumasaqaatinillu saqqummiussissapput.

### 3. Anguniakkat

GUX-imi ilinniartut tamarmik matumani saaffigineqarput. Ilinniartut qanoq ilillutik saqqumiussinernut taakkununnga peqataanissamut nalunaarnissaannut GUX -it immikkut tamarmik ileqqoqarput, ilinniagaqartulli ulluat sapaatip akunneranik sioqqullugu nalunaartoqassaaq. 3.G-mi ilinniartut kissaataat ukkanneqarnerullutik klassit akornanni annikitsunik assigiinngissuteqarpoq. Taakku ilinniakkamik toqqaanissaq- nunatsinni ilinniarfinnut qinnuteqarfissaq kingulleq tassaasoq marsip ulluisa aallaqqaataat, Danmarkimilu kvote 2 ilinniakkanut /immikkullu ittumik aaqqisuussinernut qinnuteqarfissaq kingulleq tassaasoq marsip ulluisa 15-iat- annertunerusumik isummerfigissavaat.

Ilinniagaqartut ulluat- ilinniartup nammineq aalajangeeqataaffigalugulu saqqummiussat suut takorusunnerlugit tusaarusunnerlugillu isummerfigisassaa.

Tamatuma saniatigut atuartut ilinniakkanut qaffasinnerusunut isernissamut piumasaqaatinik assigiinngitsunik ilisimasaqalernissaat, taamaalillutillu 1.G-it aamma 2. G-it faginik toqqaasussanngorunik tamakkuningga isumaliutersuuteqarsinnaanngornissaat anguniagaavortaaq.

### 4. Najukkami pilersaarusiorneq aaqqisuussinerlu

Najukkami pilersaarusoqatigiinnik; Majoriamit, meeqqat atuarfiannit GUX-imiillu peqataaffigineqartumik pilersitsisoqassaaq.

Pilersaarusoqatigiit najukkami ilinniarfinnut suliffeqarfinnullu qaaqqusissutinik nassiusuissapput.

Pilersaarusoqatigiit qaaqqusissutit akineqarnissaat, akissutisissat nukingisaarutiginissaat il.il. isumagissavaat.

Pilersaarusoqatigiit najukkami paasitsiniaaneq ingerlatissavaat.

Ilinniagaqartut ulluat pingaarnertut GUX-imit aaqqisugaavoq taamaammallu najoqqutassiorneq, ilinniagaqartut ulluat pillugu atuartunut paassisutissiineq, ilinniartut nalunaarnissaat, saqqummiussisussat inimik atugassinnissaat, unillatsiarerni sutugassaqarnissaq immaqalu aliikkusersuinissaq,

kingusinnerpaamik aaqqisuussineq sap. ak. sioqquullugu najuqqutassiami saqqummiunneqarnissaa isumagissallugu.

Ilinniagaqartut ulluat GUX-imi ingerlanneqassaaq, aaqqisuussineq GUX-imi aqqutissiuussisunit saqqummiunneqassaaq.

Tamatuma kingorna saqqummiussisussat namminneq saqqummiussinissaminnik isumaginnittussat, atuartut peqataaniarlutik nalunaartut tunngavigalugit, holdinut pilersinneqartunut immikkut tamarmik inimut atuartitsivimmut innersuunneqassapput.

Saqqummiussinerit tamarmik immikkut minutsinik 45-inik sivisussuseqassapput.

Ilinniartunut, ilinniartitsisunut qaaqqusanullu najoqqutassiortoqassaaq. Najoqqutassiaq GUX-imi ilinniagaqartut ulluata ingerlanneqarnissaa sap. ak sioqquullugu nassiunneqassaaq.

Piareersaatit nalinginnaasut tamarmik aqaguppat piareereersimassapput.

Peqataasut tamarmik wifi -eqarnissaat isumagineqassaaq.

## 5. **Qitiusumik pilersaarusiorneq aaqqisuussinerlu**

Ilinniartitaaneq pillugu paasitsiniaalluni ullut angallavissat NTI-mit aalajangersaavigineqassapput.

Ilinniarfiit suliffeqarfiillu peqataasussat ilinniarfinni akisussaasunut nalunaasapput.

Peqataaniarlutik nalunaartut allattorsimaffiat, ilinniagaqartut ulluata ingerlanneqarnissaa sap. ak. marluk sioqquullugu NTI-mut nassiunneqassapput.

## 6. **Saqqummiussisussat suliffeqarfinneersut**

Saqqummiussaq minutini 25-ini saqqummiussinermut minutsinilu 20-ini apeqquteqarnissamut avinnejqassaaq.

Saqqummiussaq tigussaalersiguk suliffeqarfimmi atorfekartut ilinniagaqassutsikkut tunuliaqutaat assigiinngitsut assersuusiutikkit.

## 7. **Saqqummiussisussat ilinniarfinneersut**

Saqqummiussaq minutini 25-ini saqqummiussinermut minutsinilu 20-ini apeqquteqarnissamut avinnejqassaaq.

Saqqummiussaq tigussaasunngoruk assersuussiorlutilu.

Ilinniartitaanerup imarisaasa- atuagarsorneruppat sulinermik sungiusarneruppat taakkuluunniit akuleriippata saqqummiunissaat innersuussutaavoq.

Ilinniarnerup aaqqisuussaanera ingerlanissaalu pillugit maleruagassat erseqqissakkit.

Ilinniakkap aallartinnissaa, ilinniarnermi piumasaqaatit, suliffissat ilinniarnermilu aningaasaqarneq.

Sioqqutsillutit aallartigit, maanna ilinniartunit ilinniartuuusimasuniillu isumassarsigit – taakku ilinniartitaanissi iluaqtissartaanik qularunnaarsitsisuuulluassapput.

## 8. **Ilinniarnissamut piumasaqaatit**

Ilinniartut GUX-ernerat toqqaanissanit isummerfigisassanit assigiinngitsunit; qaffasissumik ilinniakkamik toqqaanermit, faginit toqqagassanit ilinniakkamillu toqqaanermit sunnerneqassaaq.

Klassimi sorlermiinnerat inuunertertiaat atugassaritsitaasut suut apeqqutaallutik, piginnaasaat assigiinngissinnaapput.

Ilinniagaqartut ulluat, ilinniakkani assigiinngitsuni piumasaqaatit atugassarititaasullu assigiinngitsut suunerrannut naleqqatut atorsinnaavoq. Ulloq pissarsiviulluassappat, ilinniartut ilinniagaqartut ulluata siunertaa kiisalu GUX-ip ullormi tassani naatsorsuutigisaa ilisimasariaqarpaat.

Ilinniartitaaneq pillugu paasitsiniaalluni angalaneq tamakkiisoq nukinnik annertuunik atuiffiummat, GUX-ip minnerpaamik isumagisinhaasaa tassaavoq ilinniartut piareersarluarsimallutik takkunnissaat.

## 9. Ullormi najoqququtassaq

- ✓ Ass. aulami tikilluaqqusineq, ilisarititsineq ullormilu pisussanik saqqummiussineq.
- ✓ Saqqummiussisussanut init ilinniartitsiviit isiginnaarutitallit imal. sarsuatitsissutillit.
- ✓ Saqqummiussineq – saqqummiussinerit immikkut tamarmik 45 minutsinik sivisussuseqassapput
- ✓ Ullup qeqqasiorneq
- ✓ Saqqummiussineq
- ✓ Naggasiineq

## 10. Ilinniartitsineq

Ilinniagaqartut ulluanni ilinniartitsineq tassaavoq nunatsinni Danmarkimilu ilinniagaqarnissamut periarfissat paasiaqarfinginissaannik ilinniartup periarfissinnissaa. Ilinniartut ilinniarfissanut assigiinngitsunut ilinniagaqartut ulluanni saqqunniunneqartunut apequteqarsinnaanissamut attaveqarnissamullu periarfissinneqassapput. Tamatuma ilinniarnertuutut naammassisimanerup sumut atorneqarsinnaanissaanut paasiaqartissavai, piumasaqaatinullu ilinniartitaanerni tamani atuuttunut paasinnereersillugit. Ilinniagaqartut ulluat, ilinniagaqarnissamut periarfissat atitussusaanik ilinniartut paasinninnissaannut periarfissiisaq. Tamatuma peqatigisaanik GUX-imi ilinniartut maanna iliuuseqarnissaasa piumasaqaataaneranik ilinniartitaanermilu aqqutit narluinnarajunnginnerannik ilinniartut paasinninnissaannut ammaavortaaq.

## 11. Nalilineq

Ilinniagaqartut ulluata naliliivigineqarnissaa innersuussutaavoq. Ilinniartuni Lectio aqqutigalugu taamaaliortoqarsinnaavoq, peqataasuni allani ass. SurveyMonkey assigisaaluunniit atorneqarsinnaavoq.

Pilersaarusoqatigiit suleqatigisatik peqatigalugit naliliissapput.

Misilittagaasinnaasut isornaateqartulluunniit uunga nassiunneqarsinnaapput: [nti@aqqut.gl](mailto:nti@aqqut.gl)